



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 60. Libri de Consideratione posteriores.

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

Sæcul. XII.
A.C. 1152.

ipse peccasti, aut statuens, quæ non tenentur, aut quod non tenentur dissimulans. Jam quartus annus est, ex quo data mandata audivimus, & neminem adhuc Clericorum reorum privatam beneficio, neminem Episcoporum suspensum ab officio vidimus. At luctu amarissimo dignum, quod inde secutum est. Quid vero illud? scilicet impunitas, quæ est incuriæ soboles, insolentiæ mater, radix impudentiæ, & Legum contemptus. Solent dicere; num de vestibus cura est Deo, & non magis de moribus? At forma hæc vestium deformitatis mentium & morum indicium est.

§. LX.

Libri de Consideratione posteriores.

In Libro quarto Considerationis S. Bernardus Papam attentum esse monet, ad ea quæ circa ipsum sunt, Clericos, *c. 1.* *populum, Domesticos. Primo quidem, c. 2.* *ait, Clerum tuum, amantissime Eugeni! ordinatissimum esse decet, ex quo præcipue in omnem Ecclesiam Cleri forma procedat. Quid vero de Populo loquar? quid magis notum Sæculis, quam protervia & fastus Romanorum? Gens insueta paci, tumultus amans, crudelis, intractabilis, subdi nescia, nisi cum non valet resistere. Et inferius: Tunc potissimum volunt dominari, cum servitutem professi sunt. Fidem jurant,*

c. 4.

jurant, ut opportunius sibi fidentibus no- Sæcul. XII.
ceant. Ex hoc enim non erit tibi con- A. C. 1152.
silium, a quo se arcendos putent, impatien-
tissime ferentes, si stante pro foribus tuis
quoquam illorum, moram vel modicam
fecerit Ostiarius. Sapientes sunt ad fa-
ciendum malum, bonum autem facere ne-
sciunt. Cælo, terræque invisi, impij
in Deum, in Rempublicam seditiosi, æmuli
in vicinos, in extraneos inhumani. Quos,
neminem amantes, amat nemo, & cum
timeri affectent ab omnibus, ipsi omnes
ceteros metuunt. Aliis subesse non susti-
nent, & aliis præesse non norunt, in
Dominos suos perfidi, inferioribus in-
tolerabiles, in verecunde petunt ab aliis,
& ab aliis rogati impudenter denegant.
Importuni & inquieti donec accipiant,
beneficii immemores postquam acceperunt.
Grandia loquuntur, operantur exigua,
largissime promittunt, parcissime pro-
missa exhibent, adulatores, detractores
mordacissimi, veteratores, proditores
malignissimi.

Huc usque S. Bernardus, mores Ro-
 manorum suæ ætatis depingens. Nihil-
 ominus hortatur Papam, ut eis conver-
 tendis insudet, etsi modica spes emen-
 dationis affulgeat; cum Pastoris sit oves
 saltem curare, quamvis sanare non
 possit.

O 3.

Paulo

Sæcul. XII.

A.C. 1152.

n. 7. 8.

Paulo infra iterum de Romanis ad Eugenium Papam ait: *Etiam si draconibus & scorpionibus similiores sint quam ovibus, tu contra audentior eos aggredere, sed verbo non ferro. Quid tu denuo usurpare gladium tentes, quem semel reponere in vaginam iussus es. Uterque ergo Ecclesiæ est, & spiritualis scilicet gladius & materialis; ille vero Sacerdotis, hic militis manu, sed sane ad nutum Sacerdotis & Imperatoris iussum exferendus.*

Sup. S. 21.

Hæc de duobus gladiis allegoria superius nobis occurrit, cui melior sensus tribui non potest, quam si dicatur; ferrum nunquam adhibendum esse, nisi iussu Principis, quem vero Sacerdotes consulere oporteat, ut exploret, an justum sit bellum, aut etiam eorum hortatui morem gerat, & sua potentia ad defendendam Religionem utatur.

n. 5. 6.

S. Bernardus in eodem Libro etiam hæc verba memoratu digna protulit: *Vides omnem Ecclesiasticorum zelum in conservanda sua dignitate absolvi. Honori totum datur, Sanctitati nihil. Si causa requirente paulo submissius agere, & societati humanæ indulgere volueris, absit, inquit, non decet, Majestati non convenit, quam personam geras attendito. Nullibi tamen S. Petrus legitur publice processisse, auro gemmisque ornatus, aut sericis indutus, vectus equo albo, stipatus*

tus milite, circumstrepentibus septus mi- Sæcul. XII.
nistris. In bis successisti non Petro sed A.C. 1152.
Constantino. Consulo, hæc toleranda esse
pro tempore, si modo semper meminervis,
rei Summam tibi esse, oves pascere. Pur-
pora tectus & auro pastoris officium non
abjice, Evangelium non erubescere. Hic
videmus S. Bernardi mentem nullum vel
de donatione Constantini, vel de veri-
tate falsarum Decretalium dubium sub-
isse.

Transit deinde ad creationem Cardi-
 naliū, quos dicit eligendos esse de toto
 orbe, utpote orbem judicatuos, &
 quidem si fieri possit optimos, cum fre-
 quentius contingat, bonum ad Curiam
 Romanam venire, quam ibi ex malo bo-
 num fieri. Inprimis omnem sollicitudi-
 nem in constituendis Legatis adhiben-
 dam esse monet, quos optimis moribus
 & animo ab avaritia alienissimo esse ex-
 optat. Tum præclara Martini Cardi-
 nalis Legati in Dania, & Geofridi Epi-
 scopi Carnotensis, exempla adducit.
 Conqueritur, quod Papæ ministri Pres-
 byteris se anteferre conarentur, quia
 Pontifici celebranti propiores assiderent,
 cum tamen istud non eorum dignitas,
 sed ministerii commoditas exigat.

Tandem Papæ suadet, ut cuiquam
 Domesticorum suorum omnem rerum
 temporalium curam, Præsule, qui se

Sæcul. XII.
A.C. 1152.

totum Ministerio Ecclesiæ debet, indignam, committat. Aitque inter cetera: *Mira res! satis superque hominum Episcopi ad manum habent, quibus animas credant, & cui committant suas facultatulas non inveniunt.* In Libro quinto de Consideratione S. Bernardus de illis rebus agit, quæ sunt supra nos, & Eugenio Papæ sublimis meditationis materiam de Angelis, de Essentia divina, de Mysteriis Trinitatis & Incarnationis præbet (*).

§. LXI.

Jordanus, Legatus in Germania.

Jordanus de Ursinis, Legatus in Germaniam ad Conradum Regem anno millesimo centesimo quinquagesimo primo

(*) Capite decimo tertio S. Doctor quærit: *Quid est Deus? & respondet: Est Longitudo, Latitudo, Sublimitas & Profundum . . . Longitudo, inquam, quid est autem Longitudo? est æternitas. Hæc tam longa, ut non habeat terminum, non magis loci, quam temporis. Deus etiam Latitudo est. Et quid est illa? Caritas, quæ nullis terminis angustatur in Deo, qui nihil odit eorum, quæ fecerit Quid item Deus? Sublimitas & Profundum . . . in Sublimi Potentiam, in Profundo Sapientiam considera . . . Res una, effectus multiplex, operationesque diversa.*